



შუახევის მუნიციპალიტეტის გამგებლის

ბ რ ძ ა ნ ე ბ ა

დაბა შუახევი

N 06-538  
04/04/2017

538-07-4-201704041159



ა(ა)იპ „საფეხბურთო კლუბი „მერანი“-ს წესდებაში  
ცვლილებების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.ბ“ ქვეპუნქტის საფუძველზე ვბრძანებ:

1. „არასამეწარმეო (არაკომერციული) იურიდიული პირის „საფეხბურთო კლუბი „მერანი“-ს (ს/ნ 447860440) წესდებაში შევიდეს შემდეგი ცვლილებები:

1.1 შეიცვალოს საფირმო სახელწოდება და ჩამოყალიბდეს შემდეგი სახით: „არასამეწარმეო (არაკომერციული) იურიდიული პირი „ფეხბურთისა და რაგბის განვითარების სკოლა“.

1.2 წესდება ჩამოყალიბდეს თანდართული რედაქციით.

2. ამ ბრძანებით განხორციელებული ცვლილებების საჯარო რეესტრის ეროვნულ სააგენტოში რეგისტრაციის უფლებამოსილება მიენიჭოს გამგეობის ადმინისტრაციული სამსახურის იურიდიული და ადამიანური რესურსების მართვის განყოფილების უფროსს ჯიმშერ აბაშიძეს (პ/ნ 61010001054).

3. ბრძანების გასაჩივრება შეიძლება დაინტერესებული მხარისათვის გაცნობის დღიდან ერთი თვის განმავლობაში ხელვაჩაურის რაიონულ სასამართლოში შემდეგ მისამართზე: ქ. ბათუმი, ფრიდონ ხალვაშის გამზირი #358.

4. ბრძანება ძალაშია ხელმოწერისთანავე.

ტარიელ ებრალიძე

გამგებელი

ხელმძღვანელობა

**არასამეწარმეო (არაკომერციული) იურიდიული პირი  
„ფეხბურთისა და რაგბის განვითარების სკოლა“  
წესდება**

**მუხლი 1. ზოგადი დებულებები**

**1.1.** არასამეწარმეო (არაკომერციული) იურიდიული პირი „ფეხბურთისა და რაგბის განვითარების სკოლა“ (შემდგომში - სკოლა) შექმნილია საქართველოს კანონმდებლობის შესაბამისად.

**1.2.** სკოლა იქმნება განუსაზღვრელი ვადით.

**მუხლი 2. სკოლის სრული და შემოკლებული სახელწოდება**

**2.1.** სკოლის სრული სახელწოდებაა: არასამეწარმეო (არაკომერციული) იურიდიული პირი „ფეხბურთისა და რაგბის განვითარების სკოლა“

**2.2.** სკოლის შემოკლებული სახელწოდებაა: ა(ა)იპ „ფეხბურთისა და რაგბის განვითარების სკოლა“

**მუხლი 3. სკოლის იურიდიული მისამართი და სტატუსი**

**3.1** სკოლის იურიდიული მისამართია: საქართველო, დაბა შუახვევი, თამარ მეფის ქ.№ 30.

**3.2** სკოლა არის იურიდიული პირი და მოქმედებს საქართველოს მოქმედი კანონმდებლობით და წინამდებარე წესდებით.

**3.3** სკოლის იურიდიული პირის უფლებებს და მოვალეობებს იძენს დადგენილი წესით რეგისტრაციის დღიდან.

**მუხლი 4. სკოლის საქმიანობის საგანი**

**4.1.** სკოლის საქმიანობის ძირითადი საგანია:

- ა) კვალიფიცირებული ფეხბურთელებისა და მორაგბეების მომზადება;
- ბ) ფეხბურთელებისა და მორაგბეების გაერთიანება სასკოლო საწყისეზზე, მათი პროფესიული ინტერესების დაცვა, შეჯიბრებებსა და ფესტივალებში მონაწილეობის მიღება;
- გ) ფეხბურთისა და რაგბის პოპულარიზაცია;
- დ) სკოლის წვრთნისა და მომზადების მიზნით მატერიალურ-ტექნიკური ბაზის შექმნა, პროფესიონალ ფეხბურთელთა და მორაგბეთა გუნდებისათვის ღირსეული ცვლის მომზადება;
- ე) სპორტული ღონისძიებების შემუშავება, ორგანიზება;
- ვ) სპორტსმენთა მომზადების ორგანიზაციული და მეთოდური ხელმძღვანელობა, ფიზკულტურულ-განმაჯანსაღებელი სამუშაოების განხორციელება;
- ზ) საქართველოს რეგიონებთან და საზღვარგარეთის ქვეყნებთან სპორტულ მეცნიერულ და სხვა სფეროებში თანამშრომლობის პრიორიტეტულ მიმართულებათა განსაზღვრა და მათი განხორციელების ხელშეწყობა;
- თ) კავშირების დამყარება ქვეყნის და უცხოურ საფეხბურთო და სარაგბო სკოლებთან/კლუბებთან და, სხვადასხვა რანგის შეჯიბრებებსა და ჩემპიონატებში მონაწილეობა;
- ი) სარეკლამო, საინფორმაციო, საგამომცემლო საქმიანობა;

**4.2.** სკოლა შეიძლება ეწეოდეს სხვა ნებისმიერ საქმიანობას, რომელიც არ არის მითითებული აღნიშნულ წესდებაში, მაგრამ აკრძალული არ არის მოქმედი კანონმდებლობით და რომლის დაფინანსების თანხებს მოიპოვებს თავად.

**4.3.** საქმიანობას, რომლის განსახორციელებლად საქართველოს კანონმდებლობა ითვალისწინებს სპეციალურ ნებართვას (ლიცენზირება, სერთიფიცირება), სკოლა წარმართავს საქართველოს კანონმდებლობით დადგენილი წესით სათანადო ნებართვის (ლიცენზიის) მიღების შემდეგ.

### **მუხლი 5. სკოლის სტრუქტურა, მართვა**

5.1. სკოლის სტრუქტურა მოიცავს დირექციას (დირექტორი, მოადგილე), მწვრთვნიელი (მწვრთნელთა საბჭოს).

5.2. სკოლის ხელმძღვანელობა:

5.3. სკოლას მართავს (ხელმძღვანელობს) დირექტორი, რომელსაც გააჩნია კლუბის წარმომადგენლობითი უფლებამოსილება.

5.4 სკოლის დირექტორი უნდა იყოს უმაღლესი განათლების მქონე საქართველოს მოქალაქე.

5.5. დირექტორს თანამდებობაზე ნიშნავს და თანამდებობიდან ათავისუფლებს შუახვევის მუნიციპალიტეტის გამგებელი.

5.6. სკოლის დირექტორის მიერ თავისი უფლებამოსილების განხორციელების შეუძლებლობის (დროებითი შრომისუუნარობის) შემთხვევაში ან სხვა საფუძვლის არსებობისას და დირექტორისათვის შრომითი ურთიერთობის დროებით შეჩერების პერიოდში მის მოვალეობას ასრულებს შუახვევის მუნიციპალიტეტის გამგებლის ბრძანებით დანიშნული პირი.

5.7 საფეხბურთო სკოლაში ახალი სპორტული განყოფილების გახსნა ხორციელდება შესაბამისი ეროვნული ფედერაციის რეკომენდაციის გათვალისწინებით და შუახვევის მუნიციპალიტეტის გამგებელთან შეთანხმებით, შესაბამისი პედაგოგიური კადრებისა და მატერიალურ-ტექნიკური ბაზის არსებობის შემთხვევაში

### **მუხლი 6. უფლება-მოვალეობანი**

6.1. სკოლის დირექტორს უფლება აქვს:

ა) თავისი უფლებამოსილების ფარგლებში გამოსცეს ბრძანებები, რომელიც სავალდებულოა შესასრულებლად სკოლის ყველა თანამშრომელისათვის;

ბ) კანონმდებლობით დადგენილი წესითა და თავისი კომპეტენციის ფარგლებში დადოს შრომითი და სხვა ხელშეკრულებები (გარიგებები), ხელი მოაწეროს ფინანსური სახსრების განკარგვასა და სხვა ოფიციალურ დოკუმენტებს;

გ) სკოლის საქმიანობიდან გამომდინარე ერთპიროვნულად მიიღოს გადაწყვეტილება;

დ) მუშაობის ძირითადი მიმართულების შესაბამისად მუნიციპალიტეტის გამგებლის თანხმობით ამტკიცებს სკოლის საშტატო ნუსხას და თანამდებობრივ სარგოებს;

ე) მოითხოვოს თანამშრომლებისაგან დაიცვან მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ვ) წარმოადგინოს სკოლა მესამე პირთან ურთიერთობაში;

ზ) თანამშრომლებისაგან მოითხოვოს და მიიღოს ინფორმაცია სამწვრთვნილო პროცესის მსვლელობის შესახებ;

თ) შუახვევის მუნიციპალიტეტის გამგებელთან შეთანხმებით, დაამტკიცოს სტანდარტს ზევითი დამატებითი მომსახურების ნუსხა და ღირებულება;

ი) საქართველოს სამოქალაქო კოდექსისა და მოქმედი კანონმდებლობის შესაბამისად განკარგოს სკოლის საკუთრებაში არსებული ქონება, თუ ქონების განკარგვა ხელს უწყობს სკოლის საქმიანობას, მის ორგანიზაციულ განვითარებასა და მიზნების (ამოცანების) განხორციელებას;

კ) არასაბიუჯეტო შემოსავლების არსებობის შემთხვევაში შუახვევის მუნიციპალიტეტის გამგებელთან შეთანხმებით კანონმდებლობის შესაბამისად გამოიყენოს სახსრები სახელფასო დანამატებზე, პრემიების და ჯილდოების გაცემის მიზნით;

ლ) განახორციელოს მისთვის მოქმედი კანონმდებლობით და წინამდებარე წესდებით მინიჭებული სხვა უფლებამოსილებანი.

6.2. სკოლის დირექტორი ვალდებულია:

ა) დაიცვას მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ბ) უზრუნველყოს ფეხბურთელისა და მორაგბის ინტერესების დაცვა და მათი წვრთნა ჯანსაღ გარემოში;

გ) დირექტორი ვალდებულია მუნიციპალიტეტის გამგებელს წარუდგინოს ინფორმაცია გაწეული საქმიანობის შესახებ, (ყოველკვარტლური და წლიური) ყოველი წლის და კვარტლის მომდევნო თვის 20 რიცხვამდე;

დ) სკოლის სახსრების ეფექტურად განკარგვის მიზნით მჭიდროდ ითანამშრომლოს შუახვევის მუნიციპალიტეტის ორგანოებთან;

ე) დაიცვას საქართველოს და საერთაშორისოს კანონმდებლობით აღიარებული ფეხბურთელისა და მორაგბის უფლებები;

ვ) შექმნას ფეხბურთელებისა და მორაგბეებისათვის შესაბამისი პირობები;

ზ) უზრუნველყოს შესაბამისი რეჟიმის დაცვა;

6.3. მწვრთნელი შეიძლება იყოს პირი, რომელსაც აქვს შესაბამისი ცენზი.

6.4. წვრთნელს უფლება აქვს:

ა) მონაწილეობა მიიღოს დაწესებულების საქმიანობაში;

ბ) აიმაღლოს კვალიფიკაცია;

გ) სამსახურებრივი მოვალეობის შესრულებისათვის ხელმძღვანელობისაგან მოითხოვოს შესაბამისი პირობების შექმნა;

დ) მიიღოს გაწეული სამუშაოსათვის შესაბამისი ანაზღაურება.

5. წვრთნელი ვალდებულია:

ა) დაიცვას მოქმედი კანონმდებლობით, წესდებითა და შინაგანაწესით განსაზღვრული მოთხოვნები;

ბ) უზრუნველყოს ფეხბურთელისა და მორაგბის ინტერესების დაცვა;

გ) საფუძველი ჩაუყაროს ეროვნული და ზოგადსაკაცობრიო ღირებულებების მატარებელი თავისუფალი პიროვნების ჩამოყალიბებას;

დ) უზრუნველყოს სტრუქტურული ქვედანაყოფის ხელმძღვანელობისათვის სამწვრთნელო პროცესის მსვლელობის შესახებ ინფორმაციის მიწოდება;

## **მუხლი 7. დაფინანსება, სახელმწიფო კონტროლი და საფინანსო ეკონომიკური საქმიანობა**

სკოლის დაფინანსების წყაროებია:

ა) დაწესებულების საქმიანობის ფინანსური და მატერიალურ-ტექნიკური უზრუნველყოფა ხდება ადგილობრივი ბიუჯეტიდან გამოყოფილი ასიგნების ფარგლებში.

ბ) სპონსორებისაგან (სახელმწიფო და სხვა ორგანიზაციები, გრანტი, კერძო პირები, საზღვარგარეთ მცხოვრები თანამემამულეები) მიღებული თანხები, შემოწირულობანი, სხვა სახის ფინანსური დახმარება;

გ) სპორტულ – მასობრივი ღონისძიებების ჩატარებიდან მიღებული შემოსავლები;

ე) საქართველოს კანონმდებლობით ნებადართული სხვა შემოსავლები.

## **მუხლი 8. სკოლის საქმიანობის კონტროლი**

8.1. სკოლის საქმიანობა ექვემდებარება სახელმწიფო კონტროლს, რაც გულისხმობს მის მიერ განხორციელებული საქმიანობის კანონიერების, მიზანშეწონილობის, ეფექტიანობის და საფინანსო-ეკონომიკური საქმიანობის ზედამხედველობას.

8.2. სკოლის კონტროლის განმახორციელებელი ორგანო კანონმდებლობით მინიჭებულ უფლებამოსილების ფარგლებში არის შუახვევის მუნიციპალიტეტის გამგებელი, რომელსაც

უფლება აქვს მოითხოვოს კონტროლის განსახორციელებლად საჭირო მასალებისა და ინფორმაციის წარმოდგენა.

8.3. კონტროლის განმახორციელებელი ორგანო უფლებამოსილია შეაჩეროს ან გააუქმოს სკოლის დირექტორის არამართლზომიერი გადაწყვეტილება.

8.4. სკოლას მეთოდურ ხელმძღვანელობას უწევს და მის ძირითად საქმიანობაზე კონტროლს ახორციელებს განათლების, კულტურის, სპორტის, ტურიზმისა და ძეგლთა დაცვის სამსახური.

### **მუხლი 9. საქმიანობა, რომელიც საჭიროებს თანხმობას**

სკოლას მხოლოდ შუახვევის მუნიციპალიტეტის გამგებლის თანხმობით აქვს უფლება განახორციელოს შემდეგი საქმიანობა:

- ა) უძრავი ქონების შეძენა, გასხვისება და ვალდებულებითი უფლებით დატვირთვა;
- ბ) ისეთი გარიგებების დადება, რომელიც გულისხმობს ფინანსური ვალდებულებების აღებას;
- გ) საშტატო განრიგისა და შრომის ანაზღაურების ოდენობის განსაზღვრა;
- დ) სხვა გადაწყვეტილებები სკოლის ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

### **მუხლი 10. საბუღალტრო ანგარიშგება და კონტროლი**

10.1. სკოლა ვალდებულია საქართველოს კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და წარუდგინოს შუახვევის მუნიციპალიტეტის გამგებელს.

10.2. შუახვევის მუნიციპალიტეტის გამგებელი უფლებამოსილია განახორციელოს სკოლის საფინანსო კონტროლი დამოუკიდებელი აუდიტის მეშვეობით;

### **მუხლი 11. სკოლის ქონება**

დასახული მიზნებისა და დაკისრებული ფუნქციების განსახორციელებლად, სკოლის ქონებას წარმოადგენს მისი ფინანსური სახსრებით შეძენილი ან/და ადგილობრივი თვითმმართველობის ორგანოს და სახელმწიფო ორგანოების მიერ გადაცემული შენობა-ნაგებობანი, ინვენტარი, სატრანსპორტო საშუალებანი და სხვა.

### **თავი V. დასკვნითი დებულებები**

#### **მუხლი 12. სკოლის რეორგანიზაცია და ლიკვიდაცია**

სკოლის რეორგანიზაცია ან ლიკვიდაცია ხორციელდება საქართველოს მოქმედი კანონმდებლობის შესაბამისად.

#### **მუხლი 13. წესდებაში ცვლილებებისა და დამატებების შეტანის წესი**

წესდებაში ცვლილებებისა და დამატებების შეტანა ხორციელდება საქართველოს მოქმედი კანონმდებლობით დადგენილი წესით.

გამგებელი

ტარიელ ებრალიძე



